

柳待制文集

柳待制文集卷之五

律詩

七言

奉同伯庸應奉新送伯玉博士行祠西嶽因
入蜀望祭河源二首

旌旗前隊一星低
燎王熏蕪嶽色齊
石戴殘雲開便
面
棧懸斜日落鄣泥
曾聞祕祝藏金帟
復道祠臣致
碧雞

聖代新儀將考貢
岷河只在大荒西

馬首西南太白開
祠庭佳氣拂崔嵬
河邊織女機絲
出霧裏
仙人翠蓋來鳥道
山盤繞後棧龍池
塹黑劫
前灰少城萬里層
雲色遙迭清秋使
節回

次韵伯庸無題四首

貝葉東來不隔江，青瑤刻作寶華幢。
龍翰別致三千匹，翠羽生輪四十雙。
天上神閑雷下斧，人間客醉月
螢窓。崧南半截雲虹色，宜著韓家小石淙。

珠斗闌干動夜光，霏霏神雨酒痕香。
故時徒服多為赭，今日祠衣獨尚黃。
梁苑且延能賦客，漢廷安用戲
車郎。琴中莫置拘幽恨，聖德宣昭到越裳。

欲覓麻姑看海潮，徑從織女問河橋。
著荃宿露龜方息，竹實垂雲鳳已遙。
白璧何資三寸舌，黃金偏戀十
圍腰。新來代地聞歌曲，盡擷秦聲入管簫。

黃鵠將騫羽，翬垂歧行幾許。侶蛇醫，
栖遲社首脩封。日太息，甘泉獻賦時。
風籟蕭蕭，聽漸起，星弧歷歷，道

初移塵埃渴肺今年甚絕想仙盤露一卮

送李士和侍讀攝祠王屋

河山肺腑樹靈峯泰壹高居象帝容
蒼玉登壇親藻藉黃金塗檢盛函封
林光忽與升烟合雲氣初承委珮重
歸格神休奉

明主恩流偏覺侍臣濃

觀失刺幹耳朶御宴回

毳幕承空挂繡楣綵繩亘地掣文霓
辰旂忽動祠光下甲帳徐開殿影齊
芍藥名花圍簇坐蒲萄法酒拆封泥

御前賜醕千官醉恩覺中天雨露偕

車駕駐蹕即賜近臣灑馬妳子御筵設
壇殿失刺韓耳朶深廣可容數千人上
京五月芍藥始花

還次桓州

塞雨初乾草未霜
穹廬秋色滿沙場
割鮮俎上薦黃鼠
獻獲鞍間懸白狼
別部烏桓知幾族
他山稽落是何方
長雲西北天如水
想見旌旗瀚海光

八月二日

大駕北巡將校獵于嚴不刺

詔免漢官扈從南旋有期喜而成詠

天子龍飛啓聖時
乾坤闔闢載清夷
幸從在鎬承周宴
重喜臨邊舉漢儀
御宿常時嚴扈衛
吉行唯日望鸞旗

詔恩許免陪騾乘却愧長楊賦未奇

次韵吳間間真人詠梅

宮雉珠闌鳳池濱梁背苔龍此樹身蒼下亦逢脩月
戶林中別有主雲神么禽寂寂時窺夢古雪離離未
放春誰識西湖香影外綠華承萼供仙人

送田時佐簽事赴河南

銀鞍駿馬走跋跋南發都亭已向晨勝日未志山水
役清風先掃簿書塵金提舊策毋多費木鐸新詩罄
一陳湏副明時求士意市中莫有鼓力人

次伯長待制韵送王繼學修換馬伯庸應奉
扈從上京二首

仗前桐酒進瓊脂翠絡金鉤向馬垂少宰轡廬初張
事從官魚笏正書思三辰上應旂揜象二樂中陳鼓
吹詞供奉道遙承

御宿故應燕許擅同時

山園黑谷翠湯湯獨許詞臣息馬看
道雲開朝采正蹕林風定雪華軋賦成特賜麒麟宴出初擎碼
碯盤歲歲八州人望幸鉤陳旗尾認朱竿

送道士祝丹陽祠武當山

雙童白鶴導鋒車上到天池楚望舒崇祀茅從方士
法寶慈元有道家書山形巔屨知函負劒氣崢嶸應
噓噓

上帝居歆親錫羨歸未猶及薦釐初

送趙虛一法師行祀南海南鎮因還括提點
仙都觀

泱泱東風淡海波青山無侶越中多碧雞使者年年

出黃鶴仙人處處過丹齊時開陳地寶祠光夜發巨
天河軒轅故鼎曾孫守不負淮南桂樹歌

左衛麻經歷持命書歸省先墓

翔吹蕭蕭動顙蓬燕南歸夢繹山重賢勞屢最鷹揚
府責澤纔霑馬鬣封今日門功方論世古來墓制合
明宗待君建幕收奇績樂石銘詩併象容

宗人湯佐由內宰出為懷孟總管賦贈識別
吾宗門戶並崔盧漂轉深慙緒業餘群從喜開朝士
籍一廛旋擁使君車松榆置社今豐沛耕稼同風古
比閭長日鈴齋詩有興客來醒酒得冰魚

送馮士仁經歷赴淮東廉訪幕

參軍故事有髯卿玉雪襟懷值許清可使民言于吏

議儘將幕畫寄臺評珎鮭日喜供餐具蜜酒時應釀
林成芍藥瓊花春次第揚州風物捻詩情

鄭公輔下第後為京邑教諭滿歸寇氏

珠在深淵玉在山文章光氣逼人寒司徒自昔皆升
士學究千今祗備官正有何門堪取履忽聞此客已
彈冠重来知與春風約花發城南走馬看

太子受冊禮成赴西內朝賀退歸書事

樂舞充庭見象箭重瞳日月麗璇霄雙龍承檢纔升
冊九帟開闕恰御朝內廡皆陳朱鬣馬左璫新換紫
金貂青袍最困微班忝親向前星挹斗杓

符安理罷爵為鎮守杭州真定翼千戶安理
讀書知大義嘗欲起應進士舉已乃不就

將軍英妙及華年快馬新粧七寶鞭
醺士豈無狸首節傳家故有穀城編
韓門日晏猶嚴警射圃時清不廢弦
二月湖山春正美雅歌喚取酒如泉

午日雪後行失八堎禿道中有懷同館諸公
尖峯猶是漠南山駝褐蕭蕭午日寒
艾葉謗將頭上插榴花應許夢中看
馬前砂雪行初隱鵬背荒雲落更盤

王事獨賢吾敢憚重煩同館勸加餐

湯題齋壁

牧馬新來秣地樹街頭桐酒玉傾甌
羲和白日經天近敕勒陰山度幕遙
雨過忽然思御袂風清聊復快淩歊
它年續作灤陽夢萬里排雲遡沈寥

鄉友立夫以治春秋舉禮部進士不中第賦
二詩別余南還次韵答贈

長安花好合來遊眼底高風一鶚秋願以微瑕傷白
玉終然棄味愧黃流狂歌賴有千鐘酒通蓋今無萬
丈裘回憶雲泉不同夢空將兩耳与心謀

芳草連天鴈到稀京華春盡杏花微新知落落長門
賦故意悠悠白紵衣兵法孤軍嘗小挫聖經一字有
公非文章銳發如朝氣慎向匡山覓要歸

河南北水後民往注告飢胡安常以工部主
事實被選為其省員外郎賦贈識別

千里河堤蟻穴空新來魚鼈捲兒童外迂亦用調元
手化地何殊宰物功柱後決冠行動色幕中鴻筆看

生風過家急奉高堂酒一日民恫百歲同

送張靖明真人得請南還天台

翩翩霞佩挾飛仙桂館靈風尚蕭然石室樵人同夢
日金門羽客賜歸年新開洞穴收丹鏃更買湖亭放
酒舡翠湧天台三萬丈題詩須用碧瑤鐫

送道士何大方歸龍巖山大方能醫

玉露金風桂館遊江南還問木蘭舟路逢道士呼元
放市有山人號伯休仙珮凌空聲窅窅神丹開室氣
浮浮成書想在青囊底乞我玄霜點白頭

還博士後作

贊黍被

誤恩稍進官序仰承今遇復愴曩懷輒依短韵以

寄永言亦識山林賤士猶不為

明時棄物也

在襦于令五十年遷官纔得舊青氍前生羊祜徒多
感後世揚雄敢自賢已已經畬甘鬆落紛紛胄姓正
蟬聯

天光飾物無纖鉅頗覺

恩承雨露偏

送國子伴讀李顯還省潞州

六館誦誥宵子趨窮年媚學競居諸來歌幸及聲明
際子告方當定省初易水風高鞭力勁壺關雲白眼
光舒河東吾土鄉情重雅欲同還訪里閭

新製大常鹵簿成正月九日

天子始駕玉路朝饗

太廟恭覩盛儀喜而有賦

端門初啓蹕聲齊五使中行八寶隨大輅戎嚴催引
仗淵旒分道聽鳴麾然差繡袷迎陽動蹕蹕金珂宰
地垂宗祀光輝承孝饗思成還欲詠周詩

送王正臣經歷赴浙東

仙掌浮空然翠重金華秀出淞河東繡衣幕府雲霄
上丹筆刑書雨露中溪釀獨稱雙醞美津舡纔許一
帆通送君因寄思鄉夢為問青山舊桂叢

陳存道由奉常掾出為廣州教授

曲臺從事氣如霞禮樂圖書腹五車燕北離筵當菊
藥嶠南行色為梅花揚帆直下將觀海攬轡徐驅且

過家雖則磬囊千載後遺音却恐在荒遐

送楊君祥赴定海稅官因思舊遊

麾手黃塵一解頤翩翩行色有光輝
豚魚稅足初成笑鷗鷺心閑已息機
山翠入簾消宿酒海氛吹雨落秋衣
舊遊更在雲濤外獨倚西風送鴈歸

送播州楊宣慰還鎮

播南輟土亦分茅四海祥風共一陶
萬舞在廷隆宴饗景鐘著代表勲勞
星文下与龜掇直山色遙連庠節高
今日九州承慎德不將異物貴奇縈

送葉道士歸天台

北斗光中曳翠旗五城樓觀極巍巍
采山不鑄黃金鼎佩印空垂白羽衣
石井劒花飛夜氣玉田芝草艷

春暉天台仙子應招隱萬壑梯飈看鶴歸

送宋誠甫脩謨押送安南貢吏赴鄂省交割
楚山迎傳日西馳炳炳魁芒斗下垂周制陪臣通款
莫秦官典客重脩辭同文自昔尊諸夏守道于今在
四夷黃鶴樓中張宴罷借君彤筆發英奇

讀漢史二首

將軍含笑入重泉自詭功高許史前家禍遂萌參乘
日國恩猶在罷兵年減羔論定謀初泄獻焉書陳事
已先爭道兩奴非釁隙人言熒惑畫當天

世徵趙禹孰同倫律議紛紛踵故秦天下利源知幾
孔上前心計竊多陳峻文強傳春秋學忌意專攻禁
闥臣大抵法家無後福漢朝天子重經綸

寄贈吳彥輝

夢想人間玉樹柯
梁園脩竹竟如何
過車欲問夷門
隱把劍還為易水歌
寶瑟鳴絃聽入機
文綃鮫室看飛梭
薦賢甚負吾徒耻
相國于今重禮羅

元日朝回書事

九賓陳伏建朱干
六譯傳聲贄白環
法部清商初按樂
宮闈重翟已超班
雪華遙映龍旂動
日色纔臨鳳蓋閑
萬歲玉杯誰刺字
忽聞送喜入天顏

天顏

送陳仲剛歸鄱陽却赴武昌謁選

黃塵如海漲天衢
好在歸來一束書
振柁纔看彭蠡近
食魚真愛武昌居
莫因蘭茝思紉佩
想對梅花夢